

**Uunga siunnersuut: Ukiumoortumik naatsorsuutit pillugit inatsimmik allannguinerit pillugit inatsisini assigiinngitsuni aalajangersakkat ilaat Kunngip peqqussutaatigut Kalaallit Nunaanni atuutilersinneqarnissaannik Namminersorlutik Oqartussat akuersissuteqarnissaat pillugu Inatsisartut aalajangiiffigisassaat**  
*Inuussutissarsiornermut Niuernermullu Naalakkersuisumit saqqummiunneqartoq*

**pillugu**

**Inuussutissarsiornermut Aatsitassanullu Ataatsimiititaliap siunnersuutip aappassaaneerneqarneranut**

**ISUMALIUTISSIISUTAA**

Ataatsimiititaliap suliarinninnermini inuttarai:

Inatsisartunut ilaasortaq Karl Tobiassen, Siumut, siulittaasup tullia  
Inatsisartunut ilaasortaq Knud Mathiassen, Inuit Ataqtigiit  
Inatsisartunut ilaasortaq Harald Bianco, Inuit Ataqtigiit  
Inatsisartunut ilaasortaq Lars Poulsen, Siumut  
Inatsisartunut ilaasortaq Aqqalu Jerimiassen, Atassut  
Inatsisartunut ilaasortaq Emanuel Nûko, Naleraq  
Inatsisartunut ilaasortaq Hans Aronsen, Inuit Ataqtigiit

UPA2022-mi marsip ulluisa 24-anni siullermeerinninnerup kingorna siunnersuut ataatsimiititaliamit misissorneqarpoq.

**Siunnersuutip imarisai siunertaalu**

Ukiakkut 2021-mi ataatsimiinnermi ingerlatseqatigiiffiit pillugit inatsimmi allannguutissatut akuerineqartut tunngavigalugit siunnersuut saqqummiunneqarpoq. Aaqqissuussinerup inuussutissarsiortunut nammakkersuutaajunnaarnerunissaa, soorluttaaq nammineq ingerlatsiviup iluani nakkutilliinerup eqaannerulersinneqarnissaa nalinginnaasumik siunertaavoq.

**Inatsisartuni siunnersuummik siullermeerinninneq**

Siunnersuut siullermeerinninnermi amerlasuunit taparserneqarpoq.

**Tusarniaaneq**

Siunnersuut piffissami decembarip ulluisa qulinganniit 2021 januaarip ulluisa qulingannut 2022 tusarniaatigineqarsimasoq Naalakkersuisut ilisimatitsippot. Tusarniaanermut tunngatillugu ataatsimiititaliaq allanik ilanngussassaqaanngilaq.

**Ataatsimiititaliap siunnersuummik suliarinninnera**

Kalaallit Nunaanni maleruagassat inuussutissarsiornermut sammiveqartut nunani tamalaani periutsinut atuuttunut naapertuunnerulernissaat siunnersuutikkut qulakkeerniarneqarmat Inatsisartunit iluarisimaarneqarnertoq ataatsimiititaliap maluginiarpaa.

**Siunnersuutip aningaasaqarnikkut kingunissai**

Allannguutininik suliffeqarfinnut allaffissornikkut oqilisaataasunik taamatullu allaffissornikkut nammagassiisunik inatsisissatut siunnersuut imaqartoq Naalakkersuisut paasissutitsiissutigaat. Oqaatigineqartut malillugit siunnersuutip inuussutissarsiornermut kingunissaanik Naalakkersuisut paasinaasimanissaat ataatsimiititaliap ilimagisariaqarpaa, taakkulu ima annikitsigisutut nalilerneqarsimasut taakku sukumiinerusumik kisitsisilersornissaat pisariaqartutut isigineqarsimanani.


**Ataatsimiititaliap inassuteqaatai**

**Ataatsimiititaliap isumaqatigiittup siunnersuut akuersissutigineqassasoq inassutigaa.**


Ataatsimiititaliap taama oqaaseqaateqarluni isumaliutissiisummilu allassimasutut paasinnilluni siunnersuut aappassaaniigassanngortippaa.



Karl Tobiassen  
Siulittaasup tullia



Knud Mathiassen



Harald Bianco




Lars Poulsen



Aqqalu Jerimiassen



Emanuel Nûko



Hans Aronsen